

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(V)20

**SOALAN BERTULIS OLEH AHLI KAWASAN AIR ITAM
YB. JOSEPH NG SOON SIANG**

20. Adakah program *I Love Penang Run, Walk, Hike* akan diteruskan dan berapakah jumlah penyertaan keseluruhan program ini sejak diperkenalkan?

JAWAPAN OLEH Y.A.B. KETUA MENTERI

20. Menurut kajian Kementerian Belia dan Sukan, hanya 40 peratus daripada jumlah penduduk di negara ini yang mengamalkan gaya hidup sihat dan membudayakan sukan dalam kehidupan mereka.

Peratusan itu masih lagi rendah jika dibandingkan dengan 50 hingga 60 peratus penglibatan rakyat di negara maju dalam aktiviti itu. Oleh demikian, program tersebut akan terus dianjurkan dengan matlamat untuk mewujudkan budaya sukan dalam kalangan rakyat di negeri ini.

Tujuan Kerajaan Pulau Pinang menyediakan pelbagai program *I Love Penang Run, Walk, Hike* adalah untuk mencetuskan gelombang penyertaan rakyat dalam sukan dan kecergasan. Ia adalah untuk meningkatkan kesedaran dan mengubah gaya hidup serta menjadikan Pulau Pinang negeri sukan.

Sila tengok lampiran untuk jumlah penyertaan keseluruhan program *I Love Penang Run, Walk, Hike* bagi tahun 2017 dan 2018.